

***Stachys pangaea* PHIT., sp. nov.**

Planta perennis, tota flavo-viridis. Caules floriferi erecti, simplices,  $\pm 50$  cm alti, quadranguli, pilis patentibus tenuissimis longioribus et brevioribus glanduliferis intermixtis sparse pubescentes. Folia omnia ovata, serrata, utrinque et imprimis in margine et ad nervos pilis patulis brevissimis glanduliferis aliisque longioribus intermixtis tenuissime et parce pubescentia; caulina inferiora petiolata,  $\pm 45$  mm longa et 20 mm lata, media subsessilia, superiora sessilia,  $\pm 40$  mm longa et  $\pm 18$  mm lata. Spica unica terminalis; verticillastra infima 1—2 tantum remota, cetera omnia contigua, 6—10-flora, foliis fulcrantibus ovatis, sessilibus, longioribus. Calyx  $\pm 10$  mm longus, laete flavescenti-viridis, pilis longis, albis, aliisque glanduliferis brevioribus et glandulis minutissimis sessilibus sparsim obsitus; dentes inaequales, triangulari-lanceolati, longe mucronati, superior tubo subaequilongus. Corolla sordide lutea, labio superiore leviter piloso, tubo dentes calycis non superante.

Affinis *St. viridi* BOISS. et HELDR. et *St. plumosae* GRIS. sed ab ambabus caule simplici, foliis ovatis, indumento diverso, calyce angustiore distinguitur; insuper a prima corolla lutea differt.

Macedonia: Mons Pangaeon, in declivibus boreali-occidentalibus, circiter 1000 m, supra pagum Rodolivos (PHITOS 3049, Holotypus).

***Leontodon hellenicus* PHIT., sp. nov.**

Planta perennis, rhizoma fusiforme, elongatum, rosulas foliorum saepe plurimas emittens. Folia rosularia integra, spatulata vel oblanceolata, usque ad 5,5 cm longa et 1,2 cm lata, remote et leviter denticulata, basin versus gradatim angustata, subpetiolata, in speciminibus siccis flavo-viridia, pilis stellatis brevibus dense obsita. Scapus monocephalus, aphyllus, usque ad 8 cm longus, stellato-pilosus, infra capitulum clavato-incrassatus et squamis linearibus 1—2 obsitus. Involucrum 10—13 mm longum; phylla lanceolata, exteriora interioribus manifeste breviora, pilis stipitatis, furcatis vel raro stellatis immixtis parce obsita. Flores lutei, involucre manifeste longiores. Pappus sordide albus, e radiis 12—20 formatus; radii omnes scabri, exteriores distincte breviores.

Affinis *L. crispo* VILL. et *L. incano* (L.) SCHRK. sed ab ambabus habitu humiliore, indumento diverso, radiis pappi omnibus scabris differt; insuper a primo foliis rosularibus integris et ab altero foliis rosularibus brevioribus, subpetiolatis et scapo brevior divergit.

Prov. Evrytania: In declivibus borealibus montis Caliacuda, circiter 1800 m (PHITOS 4394, Holotypus).